

四庫全書

集部

欽定四庫全書

集部

御選古文淵鑑卷二十四

詳校官尚書臣德保

主事銜臣徐以坤覆勘

總校官進士臣朱鈐

校對官編修臣莊通敏

謄錄監生臣邱南林

欽定四庫全書

御選古文淵鑒卷二十四目錄

晉

干寶

晉紀總論

庾亮

讓中書監表

荀崧

請置博士疏

范甯

罪王何論

蔡謨

止庾亮北伐議

王羲之

止殷浩再舉北伐書

與會稽王牋

遺謝安書

孫綽

諫移都洛陽疏

徐邈

與范甯書

戴逵

放逵非道論

韓延之

報宋公書

欽定四庫全書

御選古文淵鑒卷二十四

內閣學士兼禮部侍郎教習庶吉士

臣徐乾學

等奉

旨編注

晉

干寶

字令升新蔡人散騎常侍

晉紀總論

昔高祖宣皇帝以雄才碩量應運而仕值魏太祖創基

推晉之所以興
幾無遺義

臣也於尊親之際
其尚有隱乎

伯厚王應麟曰
千寶著論近王
化根源謂晉紀
論以民情風教

之初籌畫軍國嘉謀屢中遂服與軫驅馳三世武世魏

祖性深阻有如城府而能寬綽以容納行任數以御物

而知人善采拔故賢愚咸懷小大畢力爾迺取郤艾於

農隙引州泰於行役艾為典農綱紀上計吏司馬懿奇

所知委以文武各善其事故能西擒孟達東舉公孫淵內

夷曹爽外襲王凌太和元年新城太守孟達反懿破斬

梁水上嘉平元年誅大將軍曹爽三年太尉王凌貳於懿仰鵠而死神畧獨斷征伐四克

維御羣后大權在已於是百姓與能大象始構世宗承

為國家安危之本也

基太祖繼業

世宗景帝師也太祖文帝昭也

玄豐亂內欽誕寇外

正元元年

中書令李豐謀以太常夏侯玄代師輔政逮捕夷三族二年揚州刺史文欽舉兵師大破其軍欽奔吳甘露元

年大將軍諸葛誕作亂 潛謀雖密而在幾必兆淮浦再

擾而許洛不震咸黜異圖用融前烈然後推轂鍾鄧長

驅庸蜀三關電掃劉禪入臣

景元四年鍾會自駱谷襲漢中鄧艾自陰平進軍維

縣劉禪降三關陽平關江關白水關也

天符人事於是信矣始當非常之

禮終受備物之錫

是年天子封昭為晉公備九錫咸熙元年進爵為王

至於世祖

遂享皇極

咸熙二年世祖受魏禪

仁以厚下儉以足用和不弛

寬而能斷故民詠維新四海悅勸矣聿修祖宗之志思

輯戰國之苦腹心不同公卿異議而獨納羊祜之策

羊祜

疏請伐吳張華贊成之賈充苟勗以為不可帝從祜策

杖王杜之決役不二時江

湘來同

咸寧五年鎮南大將軍杜預出江陵龍驤將軍王濬浮江而下太康元年入石頭孫皓降掩

唐虞之舊域班正朔於八荒天下書同文車同軌牛馬

被野餘糧棲畝故於時有天下無窮人之謗雖太平未

洽亦足以明吏奉其法民樂其生矣武帝既崩山陵未

乾楊駿被誅母后廢黜

惠帝元康元年誅太傅楊駿賈后矯詔廢皇太后為庶人尋

臣英曰前言晉積累之淺後言晉風俗之敝中多名論文氣猶近兩漢

以二公楚王之變

賈后使楚王瑋殺太宰汝南王亮太保衛瓘旋以瑋矯詔殺之

宗子

無維城之助師尹無具瞻之貴至乃易天子以太上之

號而有免官之謠

永寧元年趙王倫篡位遷帝於金墉城號曰太上皇太史按星變事當有

免官天子

民不見德唯亂是聞朝為伊周夕為桀跖善惡陷

於成敗毀譽脇於世利內外混淆庶官失才名實反錯

天網解紐國政迭移於亂人禁兵外散於四方方岳無

鈞石之鎮

三十斤為鈞四鈞為石

關門無結草之固李辰石冰傾

之於荆揚

義陽蠻張昌易姓名為李辰據江夏別率石冰破江揚二州

劉淵王彌撓

之於青冀

東萊王彌據青州匈奴劉元海據平陽

大盜稱制二帝失尊

懷愍

二帝俱為劉曜所虜

何哉樹立失權託付非才四維不張而苟且

之政多也夫作法於治其弊猶亂作法於亂誰能救之

彼劉淵者離石之將兵都尉王彌者青州之散吏也蓋

皆弓馬之士驅走之人非有吳先主

孫權

諸葛孔明之能

新起之寇烏合之衆非吳蜀之敵也脫未為兵裂裳為

旗非戰國之器也自下逆上非鄰國之勢也然而援天

下如驅羣羊舉二都如拾遺芥將相王侯連頸以受戮

臣士奇曰傳世
非積累之仁受
祥非順應之義
故民情風教日

后嬪妃主虜辱於戎卒豈不哀哉天下大器也羣生重
畜也愛惡相攻利害相奪其勢常也若積水於防燎火
於原未嘗暫靜也器大者不可以小道治勢動者不可
以爭競擾古先哲王知其然也是以扞其大患禦其大
災百姓皆知上德之生已而不謂浚已以生也是以感
而應之悅而歸之如晨風之鬱北林詩賦彼晨風鬱彼
北林晨風鳥名龍魚之趣淵澤也然後設禮文以治之斷刑罰以威之
謹好惡以示之審禍福以喻之求明察以觀之篤慈愛

趨泉薄河謂木
實先撥枝葉必
害也君子勤禮
小人盡力二語
致治之本

以固之故衆知向方皆樂其生而哀其死悅其教而安
其俗君子勤禮小人盡力庶恥篤於家閭邪僻消於胸
懷故其民有見危以授命而不求生以害義又況可奮
臂大呼聚之以干紀作亂乎基廣則難傾根深則難拔
理節則不亂膠結則不遷是以昔之有天下者所以長
久也夫豈無僻主賴道德典刑以維持之也昔周之興
也后稷生於姜嫄而天命昭顯文武之功起於后稷至
於公劉遭狄人之亂去邠之豳身服厥勞至於太王為

戎翟所逼而不忍百姓之命杖策而去之故從之如歸
市一年成邑二年成都三年五倍其初至於王季貊其
德音至於文王而維新其命由此觀之周家世積忠厚
仁及草木內隆九族外尊事黃耆養老乞言以成其福
祿者也而其后妃躬行四教婦德婦言婦容婦功尊敬師傅服澣
濯之衣修煩辱之事化天下以婦道是以漢濱之女守
潔白之志中林之士有純一之德始於憂勤終於逸樂
以三聖之智伐獨夫之紂猶正其名教曰逆取順守及

周公遭變陳后稷先公風化之所由致王業之艱難者
則皆農夫女工衣食之事也故自后稷之始基靖民十
五王而文始平之十六王而武始居之十八王而康克
安之故其積基樹本經緯禮俗節理人情恤隱民事如
此之纏綿也今晉之興也功烈於百王事捷於三代蓋
有為以為之矣宣景遭多難之時誅庶桀以便事不及
修公劉大王之仁也受遺輔政屢遇廢置故齊王不明
不獲思庸於亳

嘉平六年司馬師廢魏主芳為齊王商
書伊尹放太甲於桐三年復歸於亳

伯厚王應麟曰
千寶論晉之制
業立本固異於
先代後之作史
者不能為此言
也可謂直矣

高貴冲人不得復子明辟

咸熙二年司馬昭弑高貴鄉公髦周書成王幼周公踐阼

後復子明辟

二祖逼禪代之期不暇待三分八百之會也是

其創基立本異於先代者也又加之以朝寡純德之士
鄉乏不貳之老風俗淫僻恥尚失所學者以莊老為宗
而黜六經談者以虛薄為辯而賤名檢行身者以放濁
為通而狹節信進仕者以苟得為貴而鄙居正當官者
以望空為高而笑勤恪是以劉頌屢言治道傳咸每糾
邪正

頌光祿大夫咸司隸校尉

皆謂之俗吏其倚杖虛曠依阿無心

者皆名重海內若夫文王日旰不暇食仲山甫夙夜匪懈者蓋共嗤點以為灰塵矣由是毀譽亂於善惡之實情慝奔於貨欲之塗選者為人擇官官者為身擇利而秉鈞當軸之士身兼官以十數大極其尊小錄其要而世族貴戚之子弟陵邁超越不拘資次悠悠風塵皆奔競之士列官千百無讓賢之舉子真著崇讓而莫之省

劉寔字子真著崇讓論

子雅制九班而不得用

劉頌字子雅轉吏部尚書作九班之

制以別尊卑為裴顧所駁事不行

其婦女莊櫛織紵皆取成於婢僕未

常知女工絲枲之業中饋酒食之事也先時而婚任情而動故皆不恥淫佚之過不拘妒忌之惡父兄不之罪也天下莫之非也又况責之聞四教於古修貞順於今以輔佐君子者哉禮法刑政於此大壞如水斯積而決其隄防如火斯蓄而離其薪燎也國之將亡本必先顛其此之謂乎故觀阮籍之行而覺禮教崩弛之所由

阮籍

不拘禮法居喪飲酒食肉察庾純賈充之事而見師尹之多僻

純之祖為

伍伯充之先為市魁二人嘗以此相戲

考平吳之功而知將帥之不讓

王渾

王濬爭平吳之功更相表奏

思郭欽之謀而悟戎狄之有繫

郭欽著徒戎論

覽傳玄劉毅之言而得百官之邪

傳玄上書曰虛無放誕之論盈於朝天下

無復清議劉毅曰陛下賣官錢入私門

核傳咸之奏錢神之論而覩寵賂

之彰

傳咸上書以貨賂流行所宜深絕魯褒作錢神論

民風國勢如此雖以中

庸之才守文之主治之辛有必見之於祭祀季札必得

之於聲樂

左傳辛有適伊川見被髮祭於野者曰不及百年此其戎乎其禮先亡矣

范燮必

為之請死賈誼必為之痛哭

左傳范燮返自鄢陵使祝宗祈死曰君無禮而克敵

天益其疾矣賈誼上治安策疏曰臣竊惟事勢可為痛哭者一

又況我惠帝以放蕩之

臣杜詡曰以道德典型維持天下源得致治之原述周之所由興歷歷與晉相形尤為與核

德臨之哉懷帝承亂得位羈於強臣

東海王越擅權

愍帝奔播

之後徒廁其虛名天下之政既去非命世之雄才不能取之矣淳耀之烈未渝故大命重集於中宗元皇帝

庾亮

字元規潁川鄆陵人明穆皇后兄

讓中書監表

明帝即位以亮為中書監亮上表

臣凡庸固陋少無檢操昔以中州多故舊邦喪亂隨侍

先臣遠庇有道

亮父琰永嘉南渡為會稽太守本傳亮隨父在會稽元帝為鎮東時辟西曹掾

爰客逃難求食而已不悟邀時之福遭遇嘉運先帝龍

亮以元舅懿親負時重望而勤修退讓之節其文亦真摯愜切足挽頽風

興垂異常之顧既眷同國士又申之婚姻遂階親寵

本傳

為脩方岳貢曰
元規於權軸之

元帝聘亮妹
為太子妃

累忝非服弱冠濯纓沐浴芳風頻繁省闈

地亦自不肯復
人在上流而思

本傳中興初拜中書郎侍
講東宮累遷散騎常侍

出領六軍

本傳王敦表
為中領軍

十餘

廢始興豈恬雅
士即但其讓表
制言清慙乃以
由東之言

年間位超先達無勞被遇無與臣比小人祿薄福過災
生止足之分臣所宜守而偷榮昧進日爾一日謗讟既

集上塵聖朝始欲自聞而先帝登遐區區微誠竟未上

達陛下踐阼聖政維新宰輔賢明庶寮咸允康哉之歌

實在至公而國恩不已復以臣領中書則示天下以私

臣熙曰盛衰倚
伏籌之最要妙
在措詞謙婉而
筆力清健足以
達之俯仰之際
自覺吐納風流

矣何者臣於陛下后之兄也姻婭之嫌實與骨肉中表

不同雖太上至公聖德無私然世之喪道有自來矣悠

悠六合皆私其姻者也有人皆有私則謂天下無公矣是以

前後二漢咸以抑后黨安進婚族危向使西京七族東京

六姓皆非姻黨各以平進

七族呂霍上官趙丁傅王也
六姓二竇及鄧閭梁何也

縱

不悉全決不盡敗今之盡敗更因姻昵臣歷觀庶姓在世

無黨於朝無援於時植根之本輕也薄也苟無大瑕猶

或見容至於外戚憑託天地勢連四時

天地喻帝后
四時喻諸王根

援扶疎重矣大矣而財居權寵四海側目事有不允罪不容誅身既招殃國為之敝其故何耶直由婚媾之私羣情之所不能免故率其所嫌而嫌之於國是以疏附則信姻進則疑疑積於百姓之心則禍成重閹之內矣此皆往代成鑒可為寒心者也夫萬物之所不通聖賢因而不奪冒親以求一才之用未若防嫌以明公道今以臣之才兼如此之嫌而使內處心膂外總兵權以此求治未之聞也以此招禍可立待也雖陛下二相明其

愚歟

元帝永昌元年王敦自為丞相錄尚書事加王導尚書令明帝太寧元年轉司徒

朝士百

寮頗識其情天下之人何可門到戶說使皆坦然耶夫
富貴寵榮臣所不能忘也刑罰貧賤臣所不能甘也今
恭命則愈違命則苦臣雖不達何事背時違上自貽患
責哉仰覽殷鑒量已知敝身不足惜為國取悔是以慙
慙屢陳丹欸而微誠淺薄未垂察諒憂惶屏營不知所
厝以臣今地不可以進明矣且違命已久臣之罪又積
矣歸骸私門以待刑書願陛下垂天地之鑒察臣之愚

則雖死之日猶生之年矣

疏奏帝納其言而止

荀崧

字景猷潁川臨潁人秘書監光祿大夫

請置博士疏

元帝簡省博士儀禮公羊穀梁及鄭易皆省不置崧以為不可乃上

疏

公穀義例間合聖人本音而儀禮為經何可廢也

尚修方岳貢曰此篇總論欲立

自喪亂以來儒學尤寡今處學則闕朝廷之秀仕朝則廢儒學之俊昔咸寧太康永嘉之中侍中常侍黃門通洽古今行為世表者領國子博士一則應對殿堂奉酬顧問二則參訓國子以弘儒訓三則祠儀二曹及太常

博士四人而具
中蔡明僅及公
穀二家蓋以春
秋別傳不相通
通故也

之職以得質疑今皇朝中興美隆往初宜憲章令軌祖
述前典世祖武皇帝應運登禪崇儒興學經始明堂營
建辟雍告朔班政鄉飲大射西閣東序有河圖秘書禁
籍臺省有宗廟太府金墉故事太學有石經古文先儒
典訓賈馬鄭杜服孔王何顏尹之徒章句傳注衆家之
學後漢賈逵通五家穀梁之說尤明左氏傳國語為解
詁五十一篇馬融著三傳異同說注孝經論語易三
禮尚書鄭玄注周易尚書毛詩儀禮禮記論語孝經尚
書大傳晉書杜預為春秋左氏經傳集解後漢書服虔
作春秋左氏傳解漢書孔氏有古文尚書孔安國以今
文字讀之因以起其家三國志王肅為尚書詩論語三

禮左氏解及撰定父朗所作易傳又山陽王弼注易後漢書何休作春秋公羊解詁又作公羊墨守左氏膏肓穀梁廢疾漢書顏安樂顓門教授由是公羊有顏學又甘露元年召五經名儒平公羊穀梁同異穀梁議郎尹更始議三十餘事由置博士十九人九州之中師徒相是穀梁之學大盛

傳學士如林猶選張華劉寔居太常之官以重儒教

張華

傳徵華為太常劉寔傳咸寧中為太常

傳稱孔子沒而微言絕七十二子

終而大義乖自頃中夏殄瘁講誦過密斯文之道將墮於地陛下聖哲龍飛恢崇道教樂正雅頌於是乎在江揚二州先漸聖教學士遺文於是為盛然方疇昔猶千

臣正治曰古今
經學失傳皆在
永嘉之際茲欲
增立博士良於
經府有裨

之一臣學不章句才不弘通方之華實儒風殊邈思竭
駑駘庶增萬分願斯道隆於百世之上縉紳詠於千載
之下伏聞節省之制皆三分置二博士舊置十九人今
五經合九人準古計今猶未能半宜及節省之制以時
施行今九人以外猶宜增四願陛下萬機餘暇時垂省
覽宜為鄭易置博士一人鄭儀禮博士一人春秋公羊
博士一人穀梁博士一人昔周之衰下陵上替上無天
子下無方伯善者誰賞惡者誰罰孔子懼而作春秋諸

侯諱如懼犯時禁是以微辭妙旨義不顯明故曰知我者其惟春秋罪我者其惟春秋時左丘明子夏造膝親受無不精究孔子既沒微言將絕於是丘明退撰所聞而為之傳其書善禮多膏腴美辭張本繼末以發明經意信多奇偉學者好之稱公羊高親受子夏立於漢朝辭意清雋斷決明審董仲舒之所善也穀梁赤師徒相傳暫立於漢世向歆漢之碩儒猶父子各執一家莫肯相從其書文清義約諸所發明或是左氏公羊所不載

亦足有所訂正是以三傳並行於先代通才未能孤廢
今去聖久遠其文將墮與其過廢寧與過立臣以為三
傳雖同曰春秋而發端異趣按知三家異同之說此乃
義則戰爭之場辭亦劍戟之鋒於理不可得共博士宜

各置一人以博其學

元帝詔曰崧表如此皆經國之務為政所由息馬投戈猶可講藝今

雖日不暇給豈忘本而遺存耶可共博議者詳之議者多從崧奏詔曰穀梁膚淺不足置博士餘如奏會王款之難不行按元帝紀太興四年三月置周易儀禮公羊博士帝紀但据詔書實未施行也

范甯

字武子南陽順陽人豫章太守

罪王何論

時虛浮相扇儒雅日替甯謂其源始於王弼何晏罪深桀紂乃著論

或曰黃唐緬邈至道淪翳濠濮輟詠風流靡託爭奪兆

於仁義是非成於儒墨平叔

何晏字

神懷超絕輔嗣

王弼字

晉世清談原於莊老而實始於王何甯深切言之斯誠快論

東萊呂祖謙曰博施濟衆之謂仁制事適宜之謂義踐斯二者之謂禮二帝三王以是相授而莫之改也其文則六藝鄒魯之士多能用之及衰周之末有老

妙思通微振千載之頽綱落周孔之塵網斯蓋軒冕之龍門豪梁之宗匠嘗聞夫子之論以為罪過桀紂何哉
答曰子信有聖人之言乎夫聖人者德侔二儀道冠三才雖帝皇殊號質文異制而統天成務曠代齊趣王何蔑棄典文不遵禮度游辭浮說波蕩後生飾華言以翳

民者出焉以為
後世之亂皆由
文滅其質乃獨
推尊道德以為
教因摭摯仁義
絕滅禮學欲反
本救弊庶幾乎
三皇之治也然
刻薄之人喜其
簡賤仁義於是
專用刀鋸法術
以御衆故申韓
自附于老子而
為刑名之學放
蕩之士樂其鄙
棄禮法於是衆

實騁繁文以惑世縉紳之徒翻然改轍洙泗之風緬焉

將墜遂令仁義幽淪儒雅蒙塵禮壞樂崩中原傾覆古

之所謂言偽而辯行僻而堅者其斯人之徒歟昔夫子

斬少正於魯

少正卯言偽而辯行僻而堅孔子相魯七日誅之

太公戮華士於

齊

海上有賢者狂裔太公望誅之曰恐其亂法易教也

豈非曠世而同誅乎桀紂

暴虐正足以滅身覆國為後世鑒戒耳豈能迴百姓之

視聽哉王何叨海內之浮譽資膏粱之傲誕畫魑魅以

為巧扇無檢以為俗鄭聲之亂樂利口之覆邦信矣哉

萬溫醜會繼以
適已故王何亦
自附於老子而
崇虛無之論刑

名之學行而泰
亡虛無之論起
而晉滅固非老
子之本意而其
教有以致之也

權衡強弱持重老
成深於謀國視殷
浩何啻霄壤

吾固以為一世之禍輕歷代之罪重自喪之釁小迷衆
之愆大也

蔡謨

字道明陳留考城人
侍中司徒光祿大夫

止庾亮北伐議

咸和八年石勒死亮有開復中
原之謀部分諸將自率大衆移

鎮石頭為之聲援
事下公卿謨上議

時有否泰道有屈伸暴逆之寇雖終滅亡然當其強盛
皆屈而避之是以高祖受黜於巴漢忍辱於平城也若
爭強於鴻門則亡不終日故蕭何曰百戰百敗不死何

子船張九成曰
晉以寡弱之師
一旦討强暴之
寇是無異驅羣
羊以攻猛虎不
格明矣當時王
導許之何也盖
導與亮素有隙
亮欲起兵以廢
導于此復沮其
謀適以激彼之
怒故不若陽且
許之以快其情
陰使却鑒暴謀

待也原始要終歸於大濟而已宜與當亡之寇爭遲速
之間哉夫惟鴻門之不爭故垓下莫能與之爭文王身
圯於羗里故道泰於牧野勾踐見屈於會稽故威申於
强吳今日之事亦繇此矣賊假息之命垂盡而豺狼之
力尚彊宜抗威以待時或曰抗威待時時已可矣愚以
為時之可否在賊之强弱賊之强弱在季龍之能否季
龍之能否可得而言矣自勒初起則季龍為爪牙勒字世龍
上黨武鄉羯人起兵據襄國稱趙季龍勒從子百戰百勝遂定中國境土所據

拒之以絕其議
此乃君子之待
小人不得不然
耳觀史者當逆
其意可也

卧子陳子龍曰
元規雅才不足
以經營亂畧蘇
峻之事足為前
鑒蔡公辯折可
謂無餘

同於魏世

晉載記季龍謂其子曰主上以我躬當矢石二十餘年南擒劉岳北走索頭東平齊魯西

定秦雍剋定十有及勒死之日將相內外欲誅季龍季

三州成大趙之業

龍獨起於衆異之中殺嗣主誅寵臣

勒死季龍誅徐光程遐遂幽嗣主宏

殺內難既平千里遠出一攻而拔金墉再戰而斬石生

禽彭彪殺石聰滅郭權還據根本內外並定四方鎮守

不失尺土

成帝紀石聰以譙來降載紀石生石朗皆起兵季龍攻朗於金墉斬之進攻長安斬生於

鷄頭山生將郭權據上邦季龍遣子斌討之上邦豪族害權以降詳察此事豈能乎將

不能也假令不能者為之其將濟乎將不濟也賊前攻

襄陽而不能拔誠有之矣

咸和五年勒將郭敬寇襄陽七年南中郎將桓宣攻敬破

之遂平襄陽

不信百戰之效而執一攻之驗棄多從少於理

安乎譬如射者百發而一不中可謂之拙乎且不拔襄

陽者非季龍身也桓平北守邊之將耳

桓宣傳亮謀北伐以宣為平北

將軍賊前攻之爭疆場耳得之為善不得則止非其所急

也今征西之往則異於是

亮傳陶侃薨亮進號征西將軍

何者重鎮也

名賢也中國之人所聞而歸心也今而西度實有卷席

河南之勢賊所大懼豈與桓宣同哉季龍必率其精兵

身來距爭若欲與戰戰何如石生若欲城守守何如金

墉若欲阻汚汚何如大江蘇峻何如李龍

咸和二年歷陽太守蘇峻

反三年逼遷天子於石頭陶侃溫嶠討峻斬之

凡此數者宜詳校之愚謂石生

猛將關中精兵征西之戰不能勝也金墉險固劉曜十

萬所不能拔

劉曜敗李龍於高侯遂圍洛陽攻金墉不拔

今征西之守不能

勝也又是時兖州洛陽關中皆舉兵擊李龍

石堪奔兖州石生鎮

開中石朗鎮洛陽

此今三處反為其用方之於前倍半之覺也

若石生不能敵其半而征西欲當其倍愚所疑也蘇峻

臣廷敬曰知己
知彼見可而進
武之善經也庚
亮不揣強弱之
勢賴謨倡議沮
之正與王右軍
與會稽王賡所
見略同

之強不及季龍沔水之險不及大江大江不能禦蘇峻

而以沔水禦季龍又所疑也昔祖士雅在譙

士雅祖逵字載紀征

北將軍祖逵據譙將平中原勒憚之

佃於城北慮賊來攻因以為資故豫

安軍屯以禦其外穀將熟賊果至丁夫戰於外老弱獲

於內多持炬火急則燒穀而走如此數年竟不得其利

是時賊雖據沔北方之於今四分之一耳士雅不能捍

其一而征西欲禦其四又所疑也或云賊若多來則必

無糧然致糧之難莫過嶠函而季龍昔涉此險深入敵

國平關中而後還今至襄陽路既無險又行其國內自相供給方之於前難易百倍前已經至難而謂今不能濟其易又所疑也然此所論但說征西既至之後耳尚未論道路之虞也自汴以西水急岸高魚貫泝流首尾百里若賊無宋襄之義及我未陣而擊之將如之何今王士與賊水陸異勢便習不同寇若送死雖開江延敵以一當千猶吞之有餘宜誘而致之以保萬全棄江遠進以我所短擊彼所長懼非廟勝之算

朝議同之故亮不果移鎮

義之在東晉諸名
士中具有經濟之
才非徒以文雅見
長

水心葉適曰王
義之謂保淮非
所復及不如保
江江外羈縻而
已自今觀之其
言深切存亡在

王羲之

字逸少司徒導從子
右軍將軍會稽內史

止殷浩再舉北伐書

永和九年中軍將軍殷浩
將北伐義之以為必敗以

書止之浩遂行果為姚襄
所敗復圖再舉又貽浩書

知安西敗喪公私惋怛不能須臾去懷

時謝尚為安西
將軍殷浩傳浩

北伐至許昌會張遇反
謝尚敗績浩還壽陽

以區區江左所營綜如此天下

寒心固以久矣而加之敗喪此可熟念往事豈復可追

願思弘將來令天下寄命有所自隆中興之業政以道

勝寬和為本力爭武功作非所當因循所長以固大業

目乃必驗之智也

伯厚王應麟曰南豐記王右軍墨池云愛人之善雖一能不以廢惡謂右軍所長不止翰墨其勸殷浩內外協和然後國家可安其止浩北伐謂力弟武功非所當作其道謝萬書隨事行藏與士卒同甘苦謂謝安虛談

想識其繇來也自寇亂以來處內外之任者未有深謀遠慮括囊至計而疲竭根本各從所志竟無一功可論一事可紀忠言嘉謀棄而莫用遂令天下將有土崩之勢何能不痛心悲慨也任其事者豈得辭四海之責追咎往事亦何所復及宜更虛已求賢當與有識共之不可復令忠允之言常屈於當權今軍破於外資竭於內保淮之志非復所及莫過還保長江都督將各復舊鎮自長江以外羈縻而已任國鈞者引咎責躬深自貶降

廢務浮文妨要
非當世所宜論
風旨可著廟廊
江左第一流也不
可以藝掩其德
身之胡三省曰
保江之說此正
王導佐元帝之
規模世之識者
譏其忘仇忍恥
置中原於度外
若以量時度力
保固根本言之
此策未為非也
至於引咎責躬
省民賦役所謂
善敗不亡諸葛

以謝百姓更與朝賢思布平正除其煩苛省其賦役與
百姓更始庶可以允塞羣望救倒懸之急使君起於布
衣任天下之重尚德之舉未能事事允稱當重統之任
而喪敗至此恐闔朝羣賢未有與人分其謗者今亟修
德補闕廣延羣賢與之分任尚未知獲濟所期若猶以
前事為未工故復求之於分外宇宙雖廣自容何所知
言不必用或取怨執政然當情慨所在正自不能不盡
懷極言若必親征未達此旨果行者愚知所不解也願

孔明街事喪師之後正亦如是而已

聞公徐孚遠曰

深源本從容之

士戎略既非所

長又失荆州之

助固不宜舉事

也

國家安危所關愜

切陳謀可謂忠告

禹修方岳貢曰
深源作神州乃

復與衆共之復被州符增運千石徵役兼至皆以軍期

對之喪氣固知所惜自頃年割剝遺黎刑徒竟路殆同

秦政惟未加慘夷之刑耳恐勝

陳勝廣吳

之憂無復日矣

與會稽王賧

簡文帝時為會稽王輔政義之阻浩北伐又與王賧

古人恥其君不為堯舜北面之道豈不願尊其所事比

隆往代況遇千載一時之運顧智力屈於當年何得不

權輕重而處之也今雖有可欣之會內求諸已而所憂

乃重於所欣傳云自非聖人外寧必有內憂今外不寧

相王所任以抗
元子者北伐不
利於事未能遽
止不無因循逸
少此言蓋雖深
源不全相王猶
可善息耳

內憂已深古之弘大業者或不謀於衆傾國以濟一時
功者亦往往而有之誠獨運之明足以邁衆暫勞之弊
終獲永逸者可也求之於今可得擬議乎夫廟算決勝
必宜審量彼我萬全而後動功就之日便當因其衆而
即其實今功未可期而遺黎殲盡萬不餘一且千里饋
糧自古為難況今轉運供繼西輸許洛北入黃河雖泰
政之弊未至於此而十室之憂便以交至今運無還期
徵求日重以區區吳越經緯天下十分之九不亡何待

臣乾學曰謀國之道務審彼己
攸非我所得主
亦修其在己者
而已晉諸臣不
務自治而妄觀
敵人之有暇能
不滿識者所歎
乎美魚不如結
網遠少知之矣

而不度德量力不弊不已此封內所痛心歎悼而莫敢
吐誠往者不可諫來者猶可追願殿下更垂三思解而
更張令殷浩荀羨還據合肥時浩進次山陽羨鎮下邳廣陵許昌譙
郡梁彭城諸軍皆還保淮為不可勝之基須根立勢舉
謀之未晚此實當今策之上者若不行此社稷之憂可
計日而待安危之機易於反掌考之虛實著於目前願
運獨斷之明定之於一朝也地淺而言深豈不知其未
易然古人處閭閻行陣之間尚或干時謀國評裁者不

以為譏況廁大臣未行豈可默而不言哉存亡所係決
在行之不可復持疑後機不定之於此後欲悔之亦無
及也殿下德冠宇內以公室輔朝最可直道行之致隆
當年而未允物望受殊遇者所以寤寐長歎實為殿下
惜之國家之慮深矣常恐伍員之憂不獨在昔麋鹿之
游將不止林藪而已願殿下暫廢虛遠之懷以救倒懸
之急可謂以亡為存轉禍為福則宗廟之慶四海有賴
矣

義之觴詠風流雅興遠歟乃能留心實政不祖尚清虛真中流砥柱矣

遺謝安書

義之為右將軍會稽內史時東土饑荒輒開倉賑貸然朝廷賦役繁重義

之每上疏爭之事多見從又遺尚書僕射謝安書

頃所陳論每蒙允納所以令下小得蘇息各安其業若不耳此一郡久以蹈東海矣今事之大者未布漕運是也吾意望朝廷可申下定期委之所司勿復催下但當歲終考其殿最長吏尤殿命檻車送詣天臺三縣不舉二千石必免或可左降令在疆塞極難之地又自吾到此從事常有四五兼以臺司及都水御史行臺文符如

聞公徐學遠曰
讀逸少諸書其
習中大不可測
豈止文章之士
耶

雨倒錯違背不復可知吾又瞑目循常推前取重者及
網紀輕者在五曹主者蒞事未嘗得十日吏民趨走功
費萬計卿方任其重可徐尋所言江左平日揚州一良
刺史便足統之況以羣才而更不理正由為法不一牽
制者衆思簡而易從便足以保守成業倉督監耗盜官
米動以萬計吾謂誅翦一人其後便斷而時意不同近
檢校諸縣無不皆爾餘姚近十萬斛重斂以資姦吏令
國用空乏良可歎也自軍興以來征役及充運死亡叛

散不反者衆虛耗至此而補代循常所在凋困莫知所
出上命所差上道多叛則吏及叛者席卷同去又有常
制輒令其家及同伍課捕課捕不擒家及同伍尋復亡
叛百姓流亡戶口日減其源在此又有百工醫寺死亡
絕沒家戶空盡差代無所上命不絕事起或十年十五
年彈舉獲罪無懈怠而無益實事何以堪之謂自今諸
死罪原輕者及五歲刑可以充此其減死者可長充兵
役五歲者可充雜工醫寺皆令移其家以實都邑都邑

既實是政之本又可絕其亡叛不移其家逃亡之患復如初耳今除罪而充雜役盡移其家小人愚迷或以為重於殺戮可以絕姦刑名雖輕懲肅實重豈非適時之宜耶

孫綽

字興公太原中都人
廷尉卿領著作郎

諫移都洛陽疏

哀帝隆和初燕慕容暉寇洛陽河南太守戴施出奔冠軍將軍

陳祐告急桓溫使竟陵太守邱遐助祐并欲還都洛陽朝廷畏溫不敢為異而北土蕭條人情疑懼綽乃上疏

揣摩時勢條悉利害
璋辭快辯實足折伏
桓溫之虛憍

卧子陳子龍曰
元子遷洛之舉
非事勢必然蓋
亦自矜宏略耳
與公此疏折之
言婉而論切

伏見征西大將軍臣溫表便當躬率三軍討除二寇

秦符

堅燕慕容
蕩滌河渭清灑舊京然後神旗電舒朝服濟江

反皇居於中土正玉衡於天極斯超世之弘圖千載之
盛事然臣之所懷竊有未安以為帝王之興莫不藉地
利人和以建功業貴能以義平暴因而撫之懷愍不建
淪胥秦京遂令寇盜交侵神州絕綱土崩之釁誠繇道
喪然中夏蕩蕩一時橫流百郡千城曾無完郭者何哉
亦以地不可守投奔有所故也天祚未革中宗龍飛非

惟信順協於天人而已實賴萬里長江畫而守之耳易
稱王公設險以守其國險之時義大矣哉斯已然之明
效也今作勝談自當任道而遺險校實量分不得不保小
以圖存自喪亂以來六十餘年蒼生殄滅生理茫茫永
無依歸播流江表已經數世

自元帝至哀帝凡六世

存者長子老

孫亡者丘隴成行雖北風之思感其素心目前之哀實

為交切若遷都旋軫之日中興五陵

元帝建平陵明帝武平陵成帝興平

陵康帝崇平陵穆帝永平陵皆在江左

即復緬成遐域泰山之安既難以

理保烝烝之思豈不纏於聖心哉溫今此舉誠欲大覽
始終為國遠圖向無山陵之急亦未肯決大謀獨任天
下之至難也今發憤忘食忠慨亮到凡在有心想不致
感而百姓震駭同懷危懼者豈不以反舊之樂賒而趣
死之憂促哉何者植根於江外數十年矣一朝拔之頓
驅踰於空荒之地提挈萬里踰險浮深離墳墓棄生養
富者無三年之糧貧者無一餐之飯田宅不可復售舟
車無從而得捨安樂之國適習亂之鄉出必安之地就

臣士奇曰周書
云同力度德同
德度義疏中所
陳殆熟審於國
勢之偏全人情
之向背者

累卵之危將頓仆道塗飄溺江川僅有達者夫國以人
為本疾寇所以為人衆喪而寇除亦安所取裁此仁者
所以哀矜國家所宜深慮也自古今帝王之都豈有常
所時隆則宅中而圖大勢屈則遵養以待會使德不可
勝家有三年之積然後始可謀太平之事耳今天時人
事有未至者矣一朝欲一宇宙無乃頓而難舉乎臣之
愚計以為且可更遣一將有威名資實者先鎮洛陽於
陵所築二壘以奉衛山陵掃平梁

梁國許昌

許清一河南運

漕之路既通然後盡力於開墾廣田積穀漸為徙者之
資如此賊見亡徵勢必遠竄如其迷逆不化復欲送死
者南北諸軍風馳電赴若身手之救痛癢率然之應首

尾

率然常山蛇也擊首尾應擊尾首應擊中則首尾俱應

山陵既固中夏小康陞

下且端委紫極增修德政躬行漢文簡樸之至去小惠
節游費審官人練甲兵以養士滅寇為先十年行之無
使隳廢則貧者殖其財怯者充其勇人知天德赴死如
歸以此致政猶運之掌握何故捨百勝之長理舉天下

而一擲哉陛下春秋方富溫克壯其猷君臣相與私養
德業括囊元吉豈不快乎今溫唱高義聖朝互同臣以
輕微獨獻管見出言之難實在今日而臣區區必聞天
聽者切以無諱之朝狂瞽進說芻蕘之謀聖賢所察所
以不勝至憂觸冒干陳若陛下垂神溫少留思豈非屈
於一人而允億兆之願哉如以干忤罪大欲加顯戮使
丹誠上達退受刑誅雖沒泉壤尸且不朽

桓溫見綽表
不悅曰致意

與公何不尋君遂初賦知人家國事耶事遂
得止綽傳綽少有高尚志作遂初賦以致意

徐邈

字仙民東莞姑幕人太子前衛率驍騎將軍

與范甯書

豫章太守范甯欲遣十五議曹下屬城來求風政并吏假還訊問官長得

失邈與書

邈儒雅博瞻持躬謹密不獨以文采為時所稱也篇中多是名言

聞修王志堅曰按此書作守令者宜置座右人言晉人好清談

知足下遣十五議曹各至一縣又吏假歸白所聞見誠是足下留意百姓故廣其視聽吾謂勸導以實不以文十五議曹欲何所敷宣耶庶事辭訟足下聽斷充塞則物理足矣上有理務之心則下之求理者至矣日昃省覽庶事無滯則吏慎其負而人聽不惑豈須邑至里詣

不知其吏事之
精乃爾

飾其游聲哉非徒不足致益乃是蠶漁之所資又不可
縱小吏為耳目也豈有善人君子而干非其事多所告
白者乎君子之心誰毀誰譽如有所譽必由歷試如有
所毀必以著明託社之鼠攻之甚害自古以來欲為左
右耳目者無非小人皆先因小忠而成其大不忠先藉
小信而成其大不信遂使君子道消善人與尸前史所
書可為深鑒足下選綱紀必得國士足以攝諸曹諸曹
皆是良吏則足以掌文案又擇公方之人以為監司則

清濁能否與事而明足下但平心居宗何取於耳目哉
昔明德馬后未嘗顧與左右言可謂遠識況大丈夫而
不能免此乎

戴逵

字安道諱國人孝武時以散騎常侍國子博士累徵不就逃於吳

放達非道論

達性高潔常以禮度自處深以放達為非乃著論

夫親沒而採藥不反者

史記太伯虞仲知古公欲立季歷以及昌乃逃如荊蠻不

仁之子也君危而屢出近關者

孫文子欲出衛君遽伯玉從近關出後甯喜欲

復衛君伯玉又從近關出

苟免之臣也而古之人未始以彼害名教

能以禮度自處深
以放達為非不可
徒以隱淪目之

東發黃震曰士大夫風俗自東漢以激烈取禍一轉而為虛曠宅心事外自謂纖塵不我及矣然王夷甫諸人卒以此取排牆

之體者何達其旨故也達其旨故不惑其迹若元康之

人

元康惠帝年號時俗尚放達

可謂好遯跡而不求其本故有捐本

徇末之弊舍實逐聲之行是猶美西施而學其顰眉慕

有道而折其中角

後漢書郭有道行過雨中一角墊時人乃故折一角

所以為慕

者非其所以為美徒貴貌似而已矣夫紫之亂朱以其

似朱也故鄉愿似中和所以亂德放達似達所以亂道

然竹林之為放有疾而為顰者也元康之為放無德而

折中者也可無察乎且儒家尚譽者本以興賢也既失

之難至於事窮
勢極方惕然悔
悟向若不祖尚
虛無幾力以正
天下可不至此
嗚呼可鑒也夫

其本則有色取之行懷情喪真以容貌相欺其弊必至
於末偽道家去名者欲以篤實也苟失其本又有越檢
之行情禮俱虧則仰詠蕪忘其弊必至於本薄夫偽薄
者非二本之失而為弊者必託二本以自通夫道有常
經而弊無常情是以六經有失二政有弊苟乖其本固
聖賢所無奈何也嗟夫行道之人自非性足體備闇蹈
而當者亦曷能不棲情古烈擬規前修苟迷擬之然後
動議之然後言固當先辯其趣舍之極求其用心之本

識其枉尺直尋之旨採其被褐懷玉之由若斯途雖殊
而其歸可觀也跡雖亂而其契不乖也不然則流遞忘
反為風波之行自驅以物自誑以偽外眩囂華內喪道
實以矜尚掩其真主以塵詬翳其天正貽笑千載可不
慎歟

韓延之

南陽赭陽人為平西將軍荊州刺史司馬
休之治中轉平西府錄事叅軍以劉裕父

字顯宗遂自字顯
宗示不臣劉氏

報宋公書

宋公即劉裕也時休之以平西將軍
鎮荊州得江漢人心裕忌之會休之

子文思出後兄尚之為譙王者以事被劾休
之表請解任不許後文思在京師招集輕俠
裕執送休之欲使殺之休之但表廢文思與
裕書陳謝裕滋不悅義熙十一年裕收休之
次子文寶兄子文祖賜死率衆西討密與延
之書曰文思事遠近所知去歲遣康之送還
司馬君者推至公也而久絕表疏此天地所
不容卿等一時逼迫本無纖釐吾處懷期物
自有由來今在近路正是
諸人來歸之日延之報書

臨難不為強勢所
誘真賢參軍矣裕
當為之汗顏

承親率戎馬遠履西畿闔境士庶莫不惶駭何者莫知
師出之名故也今辱來疏始知以譙王前事良增歎息
司馬平西體國忠貞欵愛待物當於古人中求耳以君

公有匡復之勲家國蒙賴推德委誠每事詢仰譙王往以微事見劾猶自表遜位況以大過而當默然邪但康之前言有所不盡故重使胡道諮白所懷道未及返已

奏表廢之所不盡者命耳

言但未殺文思耳

推寄相與之懷正

當如此有何不可便興兵戈自義旗秉權以來四方方伯誰敢不先相諮疇而還表天子可謂欲加之罪其無辭乎劉裕足下海內之人誰不見足下此心而復欲欺誑國士天地所不容在彼不在此矣來示言處懷期物

自有由來今伐人之君啗人以利真可謂處懷期物自有由來者矣劉藩死於閭閻之內諸葛斃於左右之手

義熙八年劉毅為荊州求從弟兗州刺史藩以自副九月藩入朝裕收藩賜死諸葛長民不為裕所容九年裕自江陵東還長民來謁伏壯士丁旂于幔中于坐拉殺之甘言詫方伯襲之以輕兵

遂使席上靡歎懷之士閭外無自信諸侯以是為得算良可恥也貴府將佐及朝廷賢德寄性命以過日心企太平久矣吾誠鄙劣嘗聞道於君子以平西之至德寧可無授命之臣乎未能自投虎口比迹郗任之徒明矣

假令天長喪亂九流混濁當與臧洪游於地下不復多

言劉裕視書歎息以示諸佐曰事人
當如此兵敗從休之出奔姚興

御選古文淵鑒卷二十四

欽定四庫全書

御選古文淵鑒卷二十五目錄

宋

武帝

與臧燾書

文帝

與江夏王義恭書

又誠

賜南郡王義宣中詔

孝武帝

審貢賦詔

始安王休仁

皇太子車服議

傅亮

為宋公至洛陽謁五陵表

何尚之

陳庾炳之得失

出庾炳之為丹陽尹答

范曄

後漢書皇后紀序

吳蓋陳臧列傳論

中興二十八將論

孔融傳論

周黃徐姜申屠列傳序

黨錮列傳序論

宦者列傳序論

逸民傳序論

欽定四庫全書

御選古文淵鑒卷二十五

內閣學士兼禮部侍郎教習庶吉士臣徐乾學等奉

旨編注

宋

典午之末桓玄篡晉劉裕起兵京口建義討賊乘
與反正東平慕容超西取譙縱埽清河洛克復關
隴還受晉禪國號曰宋傳八世自
武帝至順帝昇明三年凡六十年

武帝

諱裕字德興彭城人姓
劉氏漢楚王交之後

與臧燾書

燾字德仁東莞莒人晉時為太
學博士武帝鎮京口與燾書

武帝以振興人才
為心歸重於經師
勸誘可謂知本荆
王幽蘭之喻清越
可誦

頃學尚廢弛後進頽業衡門之內清風輟響良由戎車
屢警禮樂中息浮夫近志情與事染豈可不敷崇墳籍
敦厲風尚此境人士子姪如林明發搜訪想聞令軌然
荆王含寶要俟開瑩幽蘭懷馨事資扇發獨習寡悟義
著周典今經師不遠而赴業無聞非唯志學者鮮或是
勸誘未至耶想復弘之

文帝

諱義隆武帝第三子徐羨
之傳亮廢少帝迎立之

與江夏王義恭書

義恭武帝子涉獵文義而驕
奢不節元嘉六年為都督荆

誠弟之文責以親
賢下士改過節用
詳盡婉曲復以審
慎聽斷為訓亦猶
康誥所云明德慎
罰之義也

水心葉適曰文
帝誠義恭佳荆
州書亦他人主
所不能宜其致
元嘉之治也

州刺史文帝
與書誡之

汝以弱冠便親方任天下艱難家國事重雖曰守成實
亦未易隆替安危在吾曹耳豈可不感尋王業大懼負
荷今既分張言集未日無由復得動相規誨宜深自砥
礪思而後行開布誠心厝懷平當親禮國士友接佳流
識別賢愚鑒察邪正然後能盡君子之心收小人之力汝
神意爽悟有日新之美而進德修業未有可稱吾所以
恨之而不能已已者也汝性褊急袁太妃亦說如此

太妃

開脩王志堅曰
文帝元嘉之政
號稱太平觀此
書知其致治之
本矣當時帝子
出牧猶持誨垂
誠乃爾今之司
牧宜書諸紳

義恭母武
帝袁美人性之所滯其欲必行意所不在從物回改此

最弊事宜應慨然立志念自裁抑何至丈夫方欲贊世
成名而無斷者哉今粗疏十數事汝別時可省也遠大
者豈可具言細碎復非筆可盡禮賢下士聖人垂訓驕
侈矜尚先哲所去豁達大度漢祖之德猜忌褊急魏武
之累漢書稱衛青云大將軍遇士大夫以禮與小人有
恩西門安于矯性齊美西門豹性急常佩韋
董安于性緩常佩弦關侯張飛
任偏同弊關善待卒伍而驕于士大夫
飛愛敬君子而不恤小人行已舉事深宜

臣熙曰家人父子間丁寧告語委曲詳盡雖極細碎處俱有情致

鑒此若事異今日嗣子幼蒙司徒便當周公之事

元嘉六年

以彭城王義康為司徒義恭兄也

汝不可不盡祇順之理苟有所懷密

自書陳若形迹之間深宜慎護至於爾時安危天下決汝二人耳勿忘吾言今既進袁太妃供給計足充諸用此外一不須復有求取近亦具白此意惟脫應大餉致而當時遇有所乏汝自可少多供奉耳汝一月日自用不可過三十萬若能省此益美西楚殷曠常宜早起接對賓侶勿使留滯判急務訖然後可入問訊既睹顏色

審起居便應即出不須久停以廢庶事也下日及夜自有餘閒府舍住止園池堂觀略所諳究計當無須改作司徒亦云爾若脫於左右之宜須小小回易當以始至一治為限不煩紛紜日求新異凡訊獄多決當時難可逆慮此實為難汝復不習殊當未有次第訊前一二日取訊簿密與劉湛輩共詳

湛傳義恭鎮江陵以湛為長史行府事

大不同

也至訊日虛懷博盡慎無以喜怒加人能擇善者而從之美自歸已不可專意自決以矜獨斷之明也萬一如

此必有大吝非唯訊獄君子用心自不應爾刑獄不可
擁滯一月可再訊凡事皆應慎密亦宜豫勅左右人有
至誠所陳不可漏泄以負忠信之款也古人言君不密
則失臣臣不密則失身或相讒構勿輕信受每有此事
當善察之名器深宜慎惜不可妄以假人昵近爵賜尤
應裁量吾於左右雖為少恩如聞外論不可為非也以
貴陵物物不服以威加人人不厭此易達事耳聲樂嬉
遊不宜令過擣捕漁獵一切勿為供用奉身皆有節度

奇服異器不宜興長汝嬪侍左右已有數人既始至西
未可忽忽復有所納

又誠

宜數引見佐史非唯臣主自應相見相見不數則彼我
不親不親則無因得盡人人不盡復何由知其衆事廣
引視聽既益開博於言事者又差有地也

賜南郡王義宣中詔

初武帝以荊州上流形勝
遺詔諸子次第居之其後

應及義宣以其人才素短用衡陽王義季久
之乃以義宣都督七州諸軍事車騎將軍荆

浮
觀切相喻簡而不

家庭之文朴而雅
彌見古致

州刺史先
賜中詔

師護以在西久

師護義季小字

比表求還出內左右自是經國

常理亦何必其應於一往今欲聽許以汝代之護雖無殊績潔已節用通懷期物不恣羣下此信未易非唯聲著西土朝野以為美談在彼已有次第為士庶所安論者乃謂未議遷之今之回換更在欲為汝耳汝與護年時一輩各有其美物議亦互有少劣若今向事脫一減之者既於西夏交有巨礙遷代之譏必歸責於吾矣復

當為護怨非但一誚而已也如此則公私俱損為不可不先共善詳此事亦易勉耳無為使人動生乖論

孝武帝

諱駿文帝第三子元嘉三十年文帝太子元凶劬弑逆帝率衆入討即皇帝位

審貢賦詔

夫山處巖居不以魚鼈為禮

居山以貨財為禮居川以魚鼈為禮

頃歲多

審辨方物非其土者不貢非其時者不貢自是仁言文復簡峭有邑

虞軍調繁切違方設賦本濟一時而主者玩習遂為常

典枕幹瑤琨任土作貢

瑤琨揚州貢枕幹荊州貢

積羽羣輕終致深

弊永言弘革無替朕心凡寰衛貢職山淵採捕皆當詳

義取謙約辭近古
核庶資參考

辨產殖考順歲時勿使牽課虛懸睽忤氣序庶簡約
之風有孚於品性惠敏之訓無漏於幽仄

始安王休仁

文帝第十子

皇太子車服議

天子之子與士齒讓達於辟雖無生而貴者也既命而
尊禮同上公周制五等車服相涉公降王者一等而已
王以金路賜同姓諸侯象及草木以賜異姓侯伯在朝卿
士亦準斯禮按如此制則東宮應垂金路自晉元過江禮

儀疏舛王公以下車服卑雜唯有東宮禮秩崇異上次辰
極下絕侯王而皇太子乘石山安車義不見經事無所出
禮所謂金玉路者正以金玉飾路諸末耳左右前後同以
漆畫秦改周輅制為金根通以金薄周匝四面漢魏二

晉因秦莫改建於大明

孝武帝
年號

始備五輅金玉二制並類

金根造次瞻覩殆無差別若錫之東儲於禮嫌重非所以
崇峻陛級表示等威且春秋之義降下以兩臣子之義宜
從謙約謂東宮車服宜降天子二等驂駕四馬乘象輅降龍

碧旗九葉進不斥尊退不逼下沿古酌時於禮為衷

傅亮

字季友北地靈州人散騎常侍左光祿大夫始興郡公

為宋公至洛陽謁五陵表

晉安帝義熙十二年裕率衆北伐至洛陽

修復晉五陵置守衛上表

寓洛陽舊宮景物有詩人禾黍之慨

臣裕言近振旅河湄揚旂西邁將屆舊京威懷司雍河
流湍疾道阻且長加以伊洛榛蕪津塗久廢伐木通徑
淹引時月始以今月十二日次故洛水浮橋山川無改
城闕為墟宮廟隳頓鍾虞空列觀宇之餘鞠為禾黍塵

為惜方岳貢曰
自桓元子開歸

洛遲至是又復
通馬雖建業既
已情非異常然
暫飾墳陵亦為
盛事

里蕭條雞犬罕音感舊永懷痛心在目以其月十五日

奉謁五陵

宣帝高原陵景帝峻平陵文帝崇陽陵武帝峻陽陵惠帝太陽陵

墳塋幽淪

百年荒翳天衢開泰情禮獲申故老掩涕三軍悽感瞻拜之日憤慨交集行河南太守毛修之等既開翦荆棘繕修毀垣職司既備蕃衛如舊伏惟聖懷遠慕兼惻不勝下情謹遣傳詔殿中中郎臣某奉表以聞

何尚之

字彥德廬江瀟人左光祿大夫領中書令

陳庾炳之得失

炳之遷吏部尚書頗通貨賄吏部令史錢泰主客令史周伯齊

敘事磊落有法見
古人奏章簡質處

出炳之宅諸事因留停宿尚書舊制令史諮
事不得停宿外雖有八座命亦不許為有司
所奏上於炳之素厚將恕之召問尚書右僕
射何尚之尚之具陳炳之得失太祖以小事
不足傷大臣
尚之又諫

尚書舊有增置幹二十人以元凱丞郎幹之假疾病炳

之嘗取十人私使詢處幹闕不得時補近得王師

炳之領義

陽王師猶不遣還臣令人語之先取人使意常未安今既

有手力不宜復留得臣此信方復遣耳大都為人好率
懷行事有諸紛紜不悉可曉臣思張遼之言關公雖兄

臣德宜曰炳之
非不諳臺制直
謂然私小節未
免踈略視之耳
故人臣當官三
事一曰慎

弟曹公父子豈得不言

曹操使張遼察關侯知其必去
欲白操恐操殺之不自非事君

之道乃歎曰公君父觀今人臣憂國實寡臣復結舌日

也關兄弟耳遂白之月之明或有所蔽然不知臣者豈不謂臣有爭競之迹

追以悵悵臣與炳之周旋俱被恩接不宜復生厚薄太

尉昨與臣言

江夏王義恭以元嘉
二十一年進太尉

說炳之有諸不可非

唯一條遠近相崇畏震動四海凡短人辦得致此更復

可嘉虞秀之門生事之累味珍肴未嘗有乏其外別貢

豈可具詳炳之門中不問大小誅求張幼緒幼緒轉無

以堪命炳之先與劉德願殊惡

德願高祖從母兄懷慎之子

德願自

持琵琶甚精麗遺之便復欸然市令盛馥進數百口材

助營宅恐人知作虛買券劉道錫驟有所輸傾南俸之

半

道錫元嘉二十一年遷廣州刺史

劉雍自謂得其力助

雍穆之孫嗣南康郡公

事之如父夏中送甘蔗若新發於州國吏運載樵荻無

輟於道諸見人有物鮮或不求聞劉遵考有材

遵考高祖族弟

便乞材見好燭盤便復乞之選用不平不可一二太尉

又云炳之都無共事之體凡所選舉悉是其意政令太

尉知耳論虞秀之作黃門太尉不正答和故得停太尉
近與炳之疏欲用德願兒作州西曹炳之乃啓用為主
簿即語德願德願謝太尉前後漏泄賣恩亦復何極縱
不加罪故宜出之士庶忿疾之非直項羽楚歌而已也

自從裴劉刑罰以來諸將陳力百倍

元嘉二十年前雍州刺史劉真道梁

秦二州刺史裴方明坐破仇池滅匿金寶及善馬下獄死

今日事實好惡可問若赫

然發憤顯明法憲陛下便可閒臥紫闥無復一事也

出庾炳之為丹陽尹答

太祖欲出炳之為丹陽尹又以問尚之尚之答

覆論劬直嫉惡之
義甚嚴

臣廷敬曰劬厲
之思抒寫曲暢
彈文傑構也

臣既乏賈生應對之才賈又謝汲公犯顏之直汲至於
侍坐仰酬每不能盡昨出伏復深思祇有愚滯今之事
跡異口同音便是彰著政未測得物之數耳可為蹈罪
負恩無所復少且居官失和未有比比陛下遲遲舊恩
未忍窮法為弘之大莫復過此方復有尹京赫赫之授
恐悉心奉國之人於此而息貪狼恣意者歲月滋甚非
但虧點王化乃治亂所由如臣所聞天下議論炳之常
塵累日月未見一豪增輝今曲阿在水南恩寵無異而

協首郡之榮乃更成其形勢便是老王雅也

王雅晉丹陽尹孝武

帝深加禮遇時人被以佞倖之目

古人云無賞罰雖堯舜不能為治也

陛下豈可坐損皇家之重迷一凡人事若復在可否之

間亦不敢苟陳冗管今之枉直明白灼然而獻王令主

反更不悟令賈誼劉向重生豈不慷慨流涕於聖世耶

臣昔啓范曄

左衛將軍范曄參機密尚之察其意趣異常常白太祖宜出之曄謀反伏誅上嘉其

先當時亦懼犯觸之尤苟是愚懷所挹政自不能舒達

所謂九死而不悔者也謂炳之且外出若能修改在職

著稱還亦不難而可得少明國典粗酬四海之誚今愆
釁如山榮任不損炳之若復有彰大之罪誰復敢以聞
述且自非殊勛異績亦何足塞今日之尤歷觀古今未
有衆過藉藉受貸數百萬更得高官厚祿如今日者也
臣每念聖化中有此事未嘗不痛心疾首設令臣等數
人縱橫狼籍復如此不審當復云何處之近啓賈充遠
鎮尚之初陳炳之得失云賈充熱烈今亦何足分外出
晉之重臣諸臣進說便遠出之恐是策之良者臣知陛下不能採臣言故是臣不能盡

己之愚至耳今蒙恩榮者不少臣何為獨懇懇於斯實

是尊主樂治之意伏願試更垂察

太祖乃可有司奏免炳之官

范煜

字蔚宗順陽人左衛將軍太子詹事刪衆家後漢書為一代之作後以謀反被誅

後漢書皇后紀序

引周禮兩漢間事又歷陳監戒之言

辭究而義深有國

家者當與尚書批

竊無展之句參看

庶不至批房近戚

之累歟

夏殷以上后妃之制其文略矣周禮王者立后三夫人

九嬪二十七世婦八十一女御以備內職焉后正位宮

闈同體天王夫人坐論婦禮

周禮注夫人之於后猶三公之於王坐而論婦禮也

九嬪掌教四德

九嬪比九卿掌婦學之法以教九世婦御四德謂婦德婦言婦容婦功也

主喪祭賓客

世婦比二十七大夫掌祭祀賓客喪紀之事祭之日蒞陳女宮之具凡內羞之物掌

弔臨於卿大夫之喪

女御序於王之燕寢

女御比八十一元士叙于王之燕寢以歲時獻

功事也

頒官分務各有典司女史彤管記功書過

女史掌王后之

禮書內令亦如太史之於王也彤管赤管筆也詩貽我彤管

居有保阿之訓動有環

珮之響

列女傳齊孝公孟姬曰妾聞妃下堂必從傳母保阿進退則鳴玉珮環

進賢才以

輔佐君子哀窈窕而不淫其色

詩序關雎樂得淑女以配君子憂在進賢不淫

其色哀窈窕思賢才而無傷善之心

所以能述宣陰化修成內則閨房肅

雍險謁不行也

詩序雖則王姬猶執婦道以成肅雍之德而無險詖私謁之心故康王

晚朝關雎作諷

前書音義后夫人雞鳴佩玉去君所周康王后不然故詩人歎而傷之見魯詩

宣后宴起姜氏請愆

列女傳周宣王常夜臥晏起姜后乃脫簪珥待罪于永巷及周

室東遷禮序凋缺諸侯僭縱軌制無章齊桓有如夫人

者六人

左傳桓公多內寵有如夫人者六人長衛姬少衛姬鄭姬葛嬴密姬宋華子也晉獻升

戎女為元妃

史記晉獻公伐驪戎得驪姬愛幸立以為妃終於五子作亂桓公

聞公徐子遠曰東京諸帝後宮樓素惟以母后臨朝為非今典耳此所以鑒於後事發魏帝之一詔者也

六夫人生六子桓公卒立公子昭于是公子無虧公子元公子潘公子商人公子雍等皆求立公子昭奔宋

冢嗣遘屯

獻公受驪姬之譖殺太子申生爰逮戰國風憲愈薄適情任

欲顛倒衣裳

詩綠兮衣兮綠衣黃裳論妾上僭也以至破國忘身不可勝

數斯固輕禮弛防先色後德者也秦并天下多自驕大

宮備七國

史記始皇破六國寫放其宮室作之咸陽北坂上所得諸侯美人以充入之

爵列

九品

前書漢因秦之稱號正嫡稱皇后妾皆稱夫人又有美人良人八子七子長使少使之號

漢興

因循其號而婦制莫釐高祖帷薄不修

大戴禮大臣坐汙穢男女無別

者曰帷薄不修史記周昌入奏事高帝擁戚姬

孝文衽席無辨

史記孝文幸慎夫人每與皇后

同坐然而選納尚簡飾翫少華自武元之後世增淫費至

乃掖庭三千增級十四

婕妤一嬪娥二容華三充衣四外武帝置昭儀五元帝置美人

六良人七七子八八子九長使十少使十一五官十二順常十三舞涓共和娛靈保林良娣使夜者共十四

妖幸毀政之符外姻亂邦之迹前史載之詳矣及光武

中興斷彫為朴六官稱號唯皇后貴人

皇后正寢一燕寢五是為六官

臣乾學曰光武裁省內職歸於樸素明德以共

夫人已下分居焉

貴人金印紫綬奉不過粟數十斛又置美人

宮人采女三等並無爵秩歲時賞賜充給而已漢法常

因八月算人

漢儀注八月初為算賦

遣中大夫與掖庭丞及相工

萬世法者蔚宗詳著得失遂以帝后並紀有以也

於洛陽鄉中閱視良家童女年十三以上二十以下姿

色端麗合法相者載還後宮擇視可否乃用登御所以

明慎聘納詳求淑詰明帝聿遵先旨宮教頗修登建嬪

后必先令德內無出閫之言

禮記內言不出于閫

權無私溺之授

可謂矯其弊矣向使因設外戚之禁編著甲令

前書音義甲令

者前帝第一令也

改正后妃之制貽厥方來豈不休哉

雖御已有度而防閑未篤故孝章以下漸用色授恩隆

好合遂忘淄蠹自古雖主幼時艱王家多釁必委成家

宰簡求忠賢未有專任婦人斷割重器唯秦苒太后始

攝政事

半亡兩翻

故穰侯權重於昭王家富於嬴國

史記昭王年少

宣太后自知事以同母弟魏冉任

漢仍其謬知患莫改

東京皇統屢絕權歸女主外立者四帝

安質桓靈

臨朝者六

后

章帝實太后和熹鄧太后安思閭太后順烈梁太后桓思實太后靈思何太后

莫不定策帷

帝委事父兄貪孩童以久其政抑明賢以專其威

周禮幕人

掌幃帝帷幕之事殤帝崩鄧太后與兄騰等迎立安帝年十三冲帝崩梁太后與兄冀迎立質帝年八歲質帝崩迎立桓帝年十五桓帝崩實太后與兄武迎立靈帝年十三任重道悠利深禍速身

犯霧露於雲臺之上

靈帝時中常侍曹節矯詔遷太后於雲臺謝弼上封事曰皇太后幽

居空宮如有雲霧之疾陛下當何面目以見天下

家嬰縲紲於囹圄之下

犴五旦翻

湮滅連踵傾輶繼路而赴蹈不息焦爛為期終於陵夷

文儼而嚴意以假
兵為重

大運淪亡神寶詩書所歎略同一揆故考列行跡以為

皇后本紀雖成敗事異而同居正號者並列於篇其以

私恩追尊非當時所奉者則隨它事附出

謂安帝母左
姬及祖母宋

貴人親屬別事各依列傳其餘無所見則係之此紀

謂賈

貴人虞美以續西京外戚云爾

吳蓋陳臧列傳論

吳漢蓋延
陳俊臧宮

中興之業誠艱難也然敵無秦項之彊人資附漢之恩

雖懷璽紆紱跨陵州縣殊名詭號千隊為羣尚未足以

為比功上烈也至於山西既定

華山之西

威臨天下

謂誅隗囂公孫

述戎羯喪其精膽羣帥賈其餘壯

左傳欲勇者賈余餘勇

斯誠雄

心尚武之幾先志翫兵之日臧宮馬武之徒撫鳴劍而

抵掌志馳於伊吾之北矣

伊吾水名

光武審黃石

臧宮傳宮與馬武上

書請擊匈奴詔報曰黃石公記曰柔能制剛弱能制強

存包桑閉玉門以謝西域

之質

玉門關名

卑詞幣以禮匈奴之使

西域傳建武二十二年西域十八國俱遣

子弟入侍天子以中國初定皆還其侍子匈奴傳建武二十八年匈奴遣使貢馬及裘乞和親帝報曰單于國內虛耗貢物裁以通禮何必馬裘今贈繒五百匹斬馬劍一

其意防蓋已弘深豈其

光武以封爵待功臣而不責以吏事故保全者多又獨振此發議

顛沛平城之圍忍傷黥王之陳乎

高祖七年擊韓王信至平城被匈奴圍七

日乃解十二年高祖親擊淮南王黥布在陳為流矢所中

中興二十八將論

中興二十八將前世以為上應二十八宿未之詳也然咸能感會風雲奮其智勇稱為佐命亦各志能之士也議者多非光武不以功臣任職至使英姿茂績委而勿用然原夫深圖遠算固將有以焉爾若乃王道既衰降及霸德猶能授受惟庸勲賢皆叙如管隰之迭升桓世

先趙之同列文朝可謂兼通矣

史記管仲寢疾桓公問政將安移對曰隰朋可

國語文公使趙衰為卿辭曰先軫有謀臣不若也

降自秦漢世資戰力至於翼

扶王運皆武人屈起

屈其勿翻

亦有鬻繒屠狗輕猾之徒

灌嬰

睢陽販繒者樊噲沛人以屠狗為事樊噲封舞陽侯灌嬰為丞相封潁陰侯

故勢疑則隙生力侔則亂起蕭樊

且猶縲紲信越終見殖戮不其然乎

蕭何為人請上林中空地上下廷尉

械繫之樊噲黨於呂氏帝使陳平斬噲平畏呂氏執噲詣長安韓信封淮陰侯人上書告信反呂后使武士縛信斬之彭越舍人自茲以降迄於孝武宰輔五世莫非告越謀反夷三族

禹脩方岳貢曰
光武不任功臣
惑轉彭之事也
自是以後功臣
任職亦多有不
免者不獨高帝
之世以此知建
武君臣可為萬
代規範也

臣鴻緒曰光武
不以功臣任職

公侯遂使縉紳道塞賢能蔽壅朝有世及之私下多抱
關之怨其懷道無聞委身草莽者亦何可勝言故光武
鑒前事之違存矯枉之志雖寇鄧之高勲耿賈之鴻烈
分土不過大縣數四所加特進朝請而已

寇恂封雍奴侯邑萬戶鄧

禹封高密侯食邑四縣耿弇好時侯食邑二縣
奉朝請賈復封膠東侯食六縣以列侯加特進觀其治

平臨政課職責咎將所謂導之以政齊之以刑者乎若
格之功臣其傷已甚何者直繩則虧喪恩舊撓情則違
廢禁典選德則功不必厚舉勞則人或未賢參任則羣

自是保全要若
但寇鄧諸賢將
實具相才何得
執置不任也

臣英曰佐命之
臣優以爵祿不
假以事權說先
武心事光明洞
達可祛從來之
惑

心難塞並列則其敝未遠不得不校其勝否即以事相

權故高秩厚禮允答元功峻文深憲責成吏職建武之

世侯者百餘若夫數公者則與參國議分均休咎

賈復傳帝

方以吏事責三公故功臣遂不用是時列侯唯
高密固始膠東三侯與公卿參議國家大事

其餘並

優以寬科完其封祿莫不終以功名延慶于後昔留侯

以為高祖悲用蕭曹故人

高帝紀張良曰陛下起布衣為天子而所封皆蕭曹故人耳

而郭伋亦譏南陽多顯

郭伋傳伋言選補衆職當簡鄭天下賢俊不宜專用南陽人鄭

興又戒功臣專任

鄭興傳上疏曰道路咸曰朝廷欲用功臣功臣用則人位謬矣

夫崇

尤有嚴毅之氣肅
穆之容

恩偏授易起私溺之失至公均被必廣招賢之路意者
不其然乎永平中顯宗追感前世功臣乃圖畫二十八
將於南宮雲臺其外又有王常李通竇融卓茂合三十
二人故依其本第係之篇末以志功臣之次云爾

孔融傳論

昔諫大夫鄭昌有言山有猛獸者藜藿為之不採

宣帝時司

隸校尉蓋寬饒以直言得罪鄭昌上書訟之云是以孔父正色不容弑虐之謀

公羊傳孔父正色而立於朝則人莫敢過而致難於其君者平仲立朝有紆盜齊之

臣士奇曰文舉少露奇類一生抗志不挽孟德雄心然且憚其正議設令左右王室漢祚亦有賴焉

引數事以成文亦是一格

望

左傳齊景公歎曰美哉室其誰有此乎晏子對曰若其陳氏乎公曰是可若何對曰唯禮可以已之

夫文舉之高志直情

孔融字文舉

其足以動義槩而忤雄心

故使移鼎之迹事隔於人存

人存謂曹操身在不存不得篡位也代終之規

啓機於身後也

身後謂曹丕受禪也

夫嚴氣正性覆折而已豈有

負園委屈可以每其生哉

園即刑謂刑園無稜角也每貪也賈誼曰品庶每生○刑

五九翻

懔懔焉皜皜焉其與琨玉秋霜比質可也

皜古翻

周黃徐姜申屠列傳序

周燮黃憲徐穉姜肱申屠蟠

易曰君子之道或出或處或默或語

易繫辭

孔子稱蘧伯

臣杜弼曰閒閒
叙述不以藻績
見長而筆致堅
老彌覺古韵鏗
然

玉邦有道則仕邦無道則可卷而懷之

遽伯玉
衛大夫

然用舍

之端君子之所以存其誠也故其行也則濡足蒙垢出
身以効時及其止也則窮棲茹菽藏寶以迷國太原閔

仲叔者

閔貢字
仲叔

世稱節士雖周黨之潔清自以弗及也

黨見其含菽飲水遺以生蔣受而不食

皇甫謐高士傳
黨見仲叔食無

菜遺之生蔣仲叔曰我欲省
煩耳今更作煩邪受而不食建武中應司徒侯霸之辟

既至霸不及政事徒勞苦而已仲叔恨曰始蒙嘉命且

喜且懼今見明公喜懼皆去以仲叔為不足問邪不當

辟也辟而不問是失人也遂辭出投劾而去復以博士徵不至客居安邑老病家貧不能得肉日買猪肝一片屠者或不肯與安邑令聞勅吏常給焉仲叔怪而問之知乃歎曰閔仲叔豈以口腹累安邑邪遂去客沛以壽終仲叔同郡荀恁字君大恁而甚翻少亦修清節資財千萬父越卒恁散與九族隱居山澤以求厥志王莽末匈奴寇其本縣廣武聞恁名節相約不入荀氏閭光武徵以病不至永平初東平王蒼為驃騎將軍開東閣延賢俊

辟而應焉及後朝會顯宗戲之曰先帝徵君不至驃騎
辟君而來何也對曰先帝秉德以惠下故臣可得來
驃騎執法以檢下故臣不敢不至後月餘罷歸卒於家
桓帝時安陽人魏桓字仲英亦數被徵其鄉人勸之行
桓曰夫干祿求進所以行其志也今後宮千數其可損
乎廢馬萬匹其可減乎左右悉權豪其可去乎皆對曰
不可桓乃慨然歎曰使桓生行死歸於諸子何有哉遂
隱居不出若二三子可謂識去就之槩候時而處夫然

豈其枯槁苟而已哉蓋詭時審己以成其道焉余故列其風流區而載之

黨錮列傳序論

敬黨人始末詳盡
從四豪任俠立論
其源起於氣矜其
弊成於羅織可謂
論世之識

孔子曰性相近也習相遠也言嗜惡之本同而遷染之塗異也夫刻意則行不肆牽物則其志流是以聖人導民理性裁抑宥佚慎其所與節其所偏雖情品萬區質文異數至於陶物振俗其道一也叔末澆訛王道陵缺而猶假仁以効己憑義以濟功舉中於理則強梁褫氣

臣照曰前段總
論士習隆替之
由詞氣宣暢入
後銓次黨人本
末綜括不漏詳
處味處皆見筆
力

襪直
紙翻

片言違正則厠臺解情蓋前哲之遺塵有足求者
霸德既衰狙詐萌起彊者以決勝為雄弱者以詐劣受
屈至有畫半策而綰萬金開一說而錫琛瑞或從徒步
而仕執珪解草衣以升卿相士之飾巧馳辯以要能釣
利者不期而景從矣自是愛尚相奪與時回變其風不
可留其敝不能反及漢祖仗劍武夫勃興憲令寬賒文
禮簡濶緒餘四豪之烈

魏無忌趙勝
黃歇田文

人懷陵上之心輕

死重氣怨惠必讐令行私庭權移匹庶任俠之方成其

俗矣

相與信為任同是非為俠

自武帝以後崇尚儒學懷經協術所

在霧會至有石渠分爭之論黨同伐異之說守文之徒

盛於時矣

宣帝集諸儒于石渠閣講論六藝召五經名儒蕭望之等大議公穀同異同已者朋黨之

異已者攻伐之

至王莽專偽終於篡國忠義之流恥見纓紱遂

乃榮華丘壑甘足枯槁

龔勝薛方郭欽蔣詡輩隱居不應莽召

雖中興在

運漢德重開而保身懷方彌相慕襲去就之節重於時

矣

謂逢萌嚴光周黨尚長之屬

逮桓靈之間主荒政謬國命委於閹

寺士子羞與為伍故匹夫抗憤處士橫議遂以激揚名

臣正治曰東京
矜重名節自黨
細之禍與使正
道淪胥遂為千
古清流之禍范
史歷歷詳叙千
載以下有餘慨
焉

聲互相題拂品覈公卿裁量執政婞直之風於斯行矣

婞直
昂翻

夫上好則下必甚矯枉故直必過其理然矣若范

滂張儉之徒清心忌惡終陷黨議不其然乎初桓帝為蠡

吾侯受學於甘陵周福及即位擢福為尚書時同郡

河南尹房植有名當朝鄉人為之謠曰天下規矩房伯

武

房植
字

因師獲印周仲進

周福
字

二家賓客互相譏揣

初
委

翻遂各樹朋徒漸成尤隙由是甘陵有南北部黨人之

議自此始矣後汝南太守宗資任功曹范滂南陽太守

成瑨亦委功曹岑晳

音質

二郡又為謠曰汝南太守范孟

博

范滂字

南陽宗資主畫諾南陽太守岑公孝

岑晳字

弘農

成瑨但坐嘯

謝承書成瑨遷南陽太守是時桓帝中貴外親張子禁怙恃貴勢功曹岑晳勸使捕

子禁付獄答殺之宗資補汝南太守署范滂為功曹委任政事任善之名聞於海內因此流言轉

入太學諸生三萬餘人郭林宗賈偉節為其冠並與李

膺陳蕃王暢更相褒重學中語曰天下模楷李元禮

李膺

字不畏強禦陳仲舉

陳蕃字

天下俊秀王叔茂

王暢字

又渤

海公族進階

公族姓進階名

扶風魏齊卿並危言深論不隱豪

強自公卿以下莫不畏其貶議屣履到門時河內張成
善說風角推占當赦遂教子殺人李膺為河南尹督促
收捕既而逢宥獲免膺愈懷憤疾竟案殺之初成以方
伎交通宦官帝亦頗諱其占

諱訊也

成弟子牢修因上書

誣告膺等養太學遊士交結諸郡生徒更相驅馳共為
部黨誹訕朝廷疑亂風俗於是天子震怒班下郡國逮
捕黨人布告天下使同忿疾遂收執膺等其辭連及陳
寔之徒二百餘人或有所遁不獲皆懸金構募使者四

出相望於道明年尚書霍諝城門校尉竇武並表為請
帝意稍解乃皆赦歸田里禁錮終身而黨人之名猶書
王府自是正直廢放邪枉熾結海內希風之流遂共相
標榜指天下名士為之稱號上曰三君次曰八俊次曰
八顧次曰八及次曰八廚猶古之八元八凱也竇武劉
淑陳蕃為三君君者言一世之所宗也李膺荀昱杜密
王暢劉祐魏朗趙典朱寓為八俊俊者言人之英也郭
林宗宗慈巴肅夏馥范滂尹勲蔡衍羊陟為八顧顧者

言能以德行引人者也張儉岑晊劉表陳翔孔昱范康
檀敷翟超為八及及者言其能導人追宗者也度尚張

邈王考劉儒胡毋班秦周蕃嚮王章為八廚

蕃姓也
音皮

廚

者言能以財救人者也又張儉鄉人朱並承望中常侍
侯覽意旨上書告儉與同鄉二十四人別相署號共為

部黨圖危社稷以儉及檀彬褚鳳張肅薛蘭馮禧魏玄

徐乾為八俊田林張隱劉表薛郁王訪劉祇宣靖公緒

恭為八顧

公緒
姓也

朱楷田槃疎耽薛敦宋布唐龍羸咨宣

褒為八及刻石立墀共為部黨而儉為之魁靈帝詔刊

章捕儉等

刊削也不欲宣露並名故削除之而直捕儉等

大長秋曹節因此諷

有司奏捕前黨故司空虞放太僕杜密長樂少府李膺
司隸校尉朱寓潁川太守巴肅沛相荀昱河南太守魏
朗山陽太守翟超任城相劉儒太尉掾范滂等百餘人
皆死獄中餘或先歿不及或亡命獲免自此諸為怨隙
者因相陷害睚眦之忿濫入黨中

睚眦五懈翻
眦才賜翻

又州郡承

旨或有未嘗交關亦離禍毒其死徙廢禁者六七百人

熹平五年永昌太守曹鸞上書大訟黨人言甚方切帝
省奏大怒即詔司隸益州檻車收鸞送槐里獄掠殺之
於是又詔州郡更考黨人門生故吏父子兄弟其在位
者免官禁錮爰及五屬

謂親屬在
五服內者

光和二年上祿長和

海上言

上祿
縣名

禮從祖兄弟別居異財恩義已輕服屬疎

末而今黨人錮及五族既乖典訓之文有謬經常之法
帝覽而悟之黨錮自從祖以下皆得解釋中平元年黃
巾賊起中常侍呂彊言於帝曰黨錮久積人情多怨若

久不赦宥輕與張角合謀

張角黃巾賊帥

為變滋大悔之無救

帝懼其言乃大赦黨人誅徙之家皆歸故郡其後黃巾

遂盛朝野崩離綱紀文章蕩然矣凡黨事始自甘陵汝

南成於李膺張儉海內塗炭二十餘年諸所蔓衍皆天

下善士三君八俊等三十五人其名迹存者並載乎篇

宦者列傳序

易曰天垂象聖人則之

易繫辭

宦者四星在皇位之側故

周禮置官亦備其數閭者守中門之禁

周禮閭人掌守王宮中門之禁

東漢之末宦寺流弊已極斯文能痛切言之

寺人掌女宮之戒

周禮寺人掌王宮之內人及女宮之戒命

又云王之正內

者五人

周禮寺人掌王之正內五人正內路寢也

月令仲冬命閹尹審門閭

謹房室

閹尹主領奄豎之官

詩之小雅亦有巷伯刺讒之篇

詩序巷伯

刺幽王也寺人傷於讒而作是詩也

然宦人之在王朝者其來舊矣將以

其體非全氣情志專良通關中人易以役養乎然而後

世因之才任稍廣其能者勃貂管蘇有功於楚晉

勃貂即寺

人披呂卻將焚公宮披以難告遂殺呂卻

景監繆賢著

庸於秦趙

商君入秦因孝公寵臣景監以見趙求人使報秦者未得繆賢曰臣舍人簡相如可使也

聞情王志堅曰
傷生之事不一

而死於色欲者

十常八九閹宦

之於國家類乎

此秦不用趙高

二世不立西京

不用恭顯中興

之業不哀宗不

用童貫燕雲之

禍不成若東京

之與唐又無論

矣是國家之有

閹禍亦十常八

九也噫可畏哉

及其敝也則豎刁亂齊伊戾禍宋

左傳齊桓公卒寺人貂因內寵以殺羣吏

立公子無虧刁即貂也楚客過宋太子野
享之寺人伊戾騁告公曰太子將為亂

漢興仍襲秦

制置中常侍官然亦引用士人以參其選皆銀璫左貂

給事殿省及高后稱制乃以張卿為大謁者出入臥內

受宣詔命

前書呂后幸大謁者張釋卿

文帝時有趙談北宮伯子頗

見親倖至孝武亦愛李延年

前書孝文時宦者則趙談北宮伯子孝武時宦者李

帝數宴後庭或潛遊離館故請奏機事多以宦人主

之至元帝之世史游為黃門令勤心納忠有所補益

前書

急就篇元帝黃門令史游作與服志
禁門曰黃閹中人主之故曰黃門

其後弘恭石顯以

佞險自進卒有蕭周之禍損穢帝德焉

前書前將軍蕭望之及光祿大

夫周堪建白以為宜罷中常侍官由是大興石顯忤後望之自殺堪廢錮

中興之初宦官悉

用閹人不復雜調它士至永平中始置員數中常侍四

人小黃門十人和帝即阼幼弱而竇憲兄弟專總權威

內外臣僚莫由親接所與居者惟閹宦而已故鄭衆得

專謀禁中終除大慙

帝與鄭衆謀誅竇憲○慙大對翻

遂享分土之封

超登公卿之位

衆為大長秋

於是中官始盛焉自明帝以後

萬脩方岳貢曰
後漢以母后臨
朝致中貴擅竊
此論良允但中
人在內閣基之
主無所寬假承
平日久君臣漸
隔而中人制其
短長不得不因
為下移矣豈必
母后稱制始為
失御哉

迄乎延平委用漸大而其員稍增中常侍至有十人小
黃門二十人改以金璫右貂兼領卿署之職鄧后以女
主臨政而萬幾殷遠朝臣國議無由參斷帷幄稱制下
令不出房闈之間不得不委用刑人寄之國命手握王
爵口含天憲非復掖庭永巷之職閨牖房闈之任也永巷
掖庭並其後孫程定立順之功曹騰參建桓之策續以
署名五侯合謀梁冀受鉞單超徐璜具瑗左悺唐衡定迹因
謀誅梁冀封侯世謂之五侯公正恩固主心故中外服從上下屏氣或稱伊霍之勲

臣德宜曰周官
闕寺以備掃除
之役自預政事
職為亂階漢唐
之禍烈矣故王
者綴木虎賁威
擇正人有以也

無謝於往載或謂良平之畫復興於當今雖時有忠公
而竟見排斥舉動回山海呼吸變霜露阿旨曲求則光
寵三族直情忤意則參夷五宗五宗五服內之親漢之綱紀大
亂矣若夫高冠長劍紆朱懷金者布滿宮闈苴茅分虎
南面臣人者蓋以十數府署第館棊列於都鄙子弟支
附過半於州國南金和寶冰紈霧縠之積盈仞珍藏媿
媛侍兒歌童舞女之玩充備綺室狗馬飾雕文土木被
緹繡皆剝割萌黎競恣奢欲構害明賢專樹黨類其有

臣鴻緒曰腐身
熏子漢室屬陪
詳列之以為萬
世戒

更相援引希附權彊者皆腐身熏子以自銜達

韋昭曰古者腐

刑必熏合之

同敝相濟故其徒有繁敗國蠹政之事不可單

書

單彈同

所以海內嗟毒志士窮棲寇劇緣間搖亂區夏

雖忠良懷憤時或奮發而言出禍從旋見弩戣因復大

考鈞黨轉相誣染

鈞黨謂李膺杜密等

凡稱善士莫不離被災毒

竇武何進位崇戚近乘九服之罷怨協羣英之勢力而

以疑留不斷至于殄敗斯亦運之極乎

竇武與陳蕃謀誅中官曹節等

璜詔將兵誅武等袁紹又說何進誅中官謀世張雖袁讓趙忠等共殺進紹勒兵捕宦官無少長悉斬之

敬迷潔已之士文
亦簡裕

紹龔行艾夷無餘

龔與恭同謂恭行天罰也

然以暴易亂亦何云及

自曹騰說梁冀竟立昏弱

謂立桓帝也

魏武因之遂遷龜鼎

龜鼎國之守器以諭帝位也

所謂君以此始必以此終信乎其然矣

逸民傳序論

易稱遯之時義大矣哉又曰不事王侯高尚其事是以

堯稱則天不屈潁陽之高

潁陽謂巢許也

武盡美矣終全孤竹

之絜

孤竹謂夷齊也

自茲以降風流彌繁長往之軌未殊而感

致之數匪一或隱居以求其志或曲避以全其道或靜

已以鎮其躁或去危以圖其安或垢俗以動其槩或疵物以激其清然觀其甘心畎畝之中憔悴江海之上豈必親魚鳥樂林草哉亦云性分所至而已故蒙恥之賔

屢黜不去其國

列女傳柳下惠死其妻誄之曰蒙恥蹈救人德彌大兮雖遇三黜終不斂兮

海之節千乘莫移其情

史記魯連曰秦即為帝則連蹈東海死耳連說下聊城田單爵

之逃隱於海上

適使矯易去就則不能相為矣彼雖磴磴有類

沽名者然而蟬蛻囂埃之中自致寰區之外異夫飾智

巧以逐浮利者乎荀卿有言曰志意修則驕富貴道義

臣乾學曰逸民
嘗顯於盛世遇
衰亂而不出者
主於自全而已
惟克齊乃能知
巢由惟武周乃

能如夷叔光武
明章諸帝或庶
幾焉

重則輕王公也漢室中微王莽篡位士之蘊藉義憤甚
矣是時裂冠毀冕相攜持而去之者蓋不可勝數揚雄

曰鴻飛冥冥弋者何篡焉言其違患之遠也

篡諸本或
作篡法言

作篡

光武側席幽人求之若不及旌帛蒲車之所徵貴相

望於巖中矣若薛方逢萌聘而不肯至嚴光周黨王霸
至而不能屈羣方咸遂志士懷仁斯固所謂舉逸民天
下歸心者乎肅宗亦禮鄭均而徵高鳳以成其節自後
帝德稍衰邪嬖當朝處子耿介羞與卿相等列至乃抗

憤而不顧多失其中行焉蓋錄其絕塵不反同夫作者

列之此篇

按漢末魏初之文孔融多奇氣陳思有逸才
駁駁乎東京以上典午之世清談始熾陵夷

以及六朝南北篇什風雲月露之狀波流而不可挽人
謂六朝無文章信矣然其時郡縣終始以中正品第人
物士習不壞於科舉衣冠世族家學薰染諳熟典故討
論經籍非如後世之虛辭競舉也故其著述之存於今
者猶有彬彬可觀者焉其間如范蔚宗沈約亦
復不以人廢聊存一代文體以志其升降云爾

御選古文淵鑒卷二十五